
DITAME SOBRE O PROXECTO DE DECRETO POLO QUE SE ESTABLECE A ORDENACIÓN XERAL DA FORMACIÓN PROFESIONAL DO SISTEMA EDUCATIVO DE GALICIA.

O Pleno do Consello Escolar de Galicia, na súa sesión do día 15 de marzo de 2010, emite o seguinte ditame en relación co proxecto de decreto polo que se establece a ordenación xeral da formación profesional do sistema educativo de Galicia.

1.- O Consello Escolar de Galicia propón que se introduza no preámbulo do decreto, no lugar que estime conveniente, a referencia ao Decreto 266/2007, do 28 de decembro, polo que se regulan os centros integrados de formación profesional na Comunidade Autónoma de Galicia.

2.- Para o artigo 3º, punto 1, apartado b), proponse que se divida en dous apartados, quedando como segue:

- “**b) Comprender a organización e as características do sector produtivo correspondente e os mecanismos de inserción laboral.”**
- “**c) Coñecer a legislación laboral e os dereitos e as obrigas que derivan das relacións laborais.”**

Os apartados: “c), d), e), f), g) e h)”, pasarián a ser: “d), e), f), g), h) e i)”. (Páxina 8, liñas 1 a 18).

3.- Para o punto 1 do artigo 4º, proponse a substitución da expresión: “**son un instrumento**”; pola seguinte: “**serven para**”. (páxina 8, liña 24).

4.- O Consello Escolar de Galicia propón a inclusión dun novo apartado dentro do punto 1 do artigo 11º, co seguinte texto: “- **As condicións mínimas de espazos, equipamento e profesorado**”. (Páxina 11, liña 15).

5.- Para o artigo 13º, proponse a substitución do texto: “**á igualdade de oportunidades e non discriminación das persoas con discapacidade**”; por estoutro: “**á igualdade de oportunidades e non discriminación das persoas por ningún tipo de diferencia**”. (Páxina 12, liña 5 e 6).

6.- Para o artigo 15º proponse o seguinte:

- Cambiar a denominación do punto 5 por punto 4, dado que non existe.



- Engadir un novo punto 5, co seguinte texto: “**A Consellería de Educación e Ordenación Universitaria promoverá e facilitará a realización das prácticas en empresas**”. (Páxina 13, liñas 9 e 10).

7.- O Consello Escolar de Galicia propón a **supresión do punto 3 do artigo 16º**. (Páxina 13, liñas 18 a 22).

8.- Para o punto 4 do artigo 16, que pasaría a ser o punto 3, proponse unha nova redacción co seguinte texto: “**Na formación profesional específica, nas ensinanzas artísticas e nas deportivas, de grao medio ou superior, impartiranse en galego os módulos atribuídos á especialidade de formación e orientación laboral e os módulos profesionais que decida a dirección, ós os departamentos correspondentes que deberán supoñer o cumprimento do establecido para esta etapa no Plan xeral de normalización da lingua galega aprobado polo Parlamento de Galicia o 21 de setembro de 2004 que se inclúe como anexo a este decreto, para alcanzar a competencia llingüística propia do nivel en ambas as dúas linguas. En todos os módulos garantírase que o alumnado coñeza o vocabulario específico en lingua galega**”.

 (Páxina 13, liñas 23 a 26).

9.- No apartado e) do artigo 28º, proponse que nas diferentes filas que aparecen na columna “superficies mínimas”, se cambie o símbolo de metros: “**m**”, polo seguinte: “**m²**”.

 (Páxinas 16 e 17).

10.- Para o mesmo artigo 28º, punto 5, proponse unha nova redacción co seguinte texto: “**Os centros docentes que impartan formación profesional terán en réxime presencial, como máximo, 20 alumnos por unidade escolar incluído ao alumnado repetidor. Estableceranse desdobres nos módulos que se determine cando sexa preciso para unha correcta atención individualizada ao alumnado ou por razóns de perigosidade**”.

 (Páxinas 17, liñas 31 a 32).

11.- O Consello Escolar de Galicia propón que se engada no punto 3 do artigo 32º a expresión: “**previa negociación coas organizacións sindicais**”; immediatamente despois de: “e as que determine a Consellería de Educación e Ordenación Universitaria”. (Páxinas 18, liña 31).

12.- No punto 1 do artigo 41º, proponse a substitución da expresión: “poderá ofrecer”; pola expresión: “**ofrecerá**”.

 (Páxina 23, liña 8).



13.- O Consello Escolar propón que no punto 2 do artigo 44º, se substitúa a expresión: “**a aliña**”, por: “**o punto**”. (Páxina 24, liña 12).

14.- No punto 2 do artigo 45º, proponse que se engada ao final do parágrafo a seguinte expresión: “No caso de non cubrirse as prazas reservadas ao alumnado con discapacidade se acumularán ao resto dos colectivos”. (Páxina 24, liña 26).

15.- O Consello Escolar de Galicia recoméndalle á Administración educativa que, no momento de desenvolver os decretos que establecen os currículos dos diferentes títulos de técnico e técnico superior, teña en conta a competencia que lle outorga a lexislación básica para ampliar os contidos dos correspondentes títulos ata o 45% dos establecidos pola Administración Xeral do Estado.

16.- Así mesmo recoméndalle que elabore un plan específico de formación do profesorado que imparte FP.

17. O Consello Escolar recomienda que faga unha revisión de todos os centros que imparten formación profesional para identificar as necesidades que hai que atender para a posta en marcha da oferta de novas titulacións de FP derivadas da LOE.

18. Recoméndalle tamén que estude a posibilidade de incluír nos decretos polos que se establecen os currículos de técnico e de técnico superior das diferentes familias profesionais un artigo referente a que os alumnos que obteñan un título dunha determinada familia poidan obter o camé profesional que outorga o departamento da Xunta de Galicia competente na materia.

19.- Por último, o Consello Escolar de Galicia recomenda á Administración educativa que introduza, onde corresponda, a referencia á creación do centro ou centros de Referencia Estatal.

O Secretario,

José Alejo Losada Aldrey

V. e pr.
O Vicepresidente,

Fernando del Pozo Andrés

